

傷寒補天石
②



辨伏脈第十七

頭疼發熱惡寒。一手無脈。或兩手全無者。此因寒邪

不得發越。便為陰伏。故脈伏。必有邪汗。當攻之。冬用

麻黃湯。又有六七日以來。別無刑剋證候。或昏沉冒

昧。不知人事。六脈俱無。此正欲汗也。勿攻之。當用五

味子湯。以生脈補元。元氣來復。一汗而涼也。二者俱

陰重。欲雨之象。傷寒腹痛。脈必伏。或吐瀉脫元而無

脈者。隨病而施。將薑汁磨木香調麝香半分。入獨參



傷寒論卷之七

七

湯服下。脈至者生。不至者死。按一手無脈。誠伏脈也。兩手全無者。須重按全無方是伏脈。若有而無者。則又爲陽證。見陰脈矣。慎之。

脈知可解第十八

可解之脈。浮而虛。不可解之脈。浮而實。浮而虛者。只是在表。浮而實者。知已在裏也。汗多不解者。轉屬陽明也。傷寒三日。脈浮數而微。病人身涼和者。此爲欲解也。解以夜半。寸關尺三處。浮沉遲數大小同等。雖



有寒熱不解。此脈陰陽爲和平。雖劇當愈。凡冬間正傷寒。看脈用藥。無有不應。惟溫疫時證。不須論脈。但無怪證怪脈。則不妨。又不可發汗。汗之熱仍不退。且重其虛。只須小柴胡。見熱甚。合解毒扶之。使正或一七日。或二三日。自然汗出身涼而愈也。

看證大略第十九

大凡看傷寒。先看兩目。或赤或黃。次看口舌。有胎無胎。次以手按其心胸兩脇。有痛處否。問其小便。有無



大便通否口渴與不渴會服何藥或久或新察其病情端由參合脈證相對與否以斷吉凶

風寒辨第二十

一般頭痛身熱項強腰脊強惡寒惡心拘急身體骨節痛但惡寒無汗脈浮緊有力爲寒傷營治宜發表散邪冬月麻黃湯三時芎蘇飲冲和湯若惡風有汗脈浮緩無力爲風傷衛治宜解表散邪冬月桂枝湯三時參蘇飲加減冲和湯內去蒼朮加白朮腹痛



小建中湯痛甚桂枝加大黃湯此太陽初病傷風傷寒如此分治若傳諸經傷風傷寒同治也傷風者先咳嗽鼻塞聲重者是也內經風論分屬五臟畢竟屬肺者多治用辛溫或辛涼之劑以散之大要風寒用辛溫風熱用辛涼

傷風鼻塞聲重不頭痛者只用參種飲加減治之

內傷外感辨第二十一

內傷外感俱有寒熱不得概作傷寒妄施汗吐下溫之法也夫外感有餘者寒熱齊作而無間外感惡寒



雖近烈火不除外感惡風乃禁一切之風外感顯在鼻故鼻氣不利壅盛有力外感則邪氣有餘發言壯厲先輕後重外感則手背熱而手心不熱左手脈來緊盛右手和平此是外感傷寒也當作正傷寒治之內傷不足者寒熱間作而不齊內傷惡寒得煖即解內傷惡風微惡些少賊風內傷顯在口故口不知味而腹中不和內傷則元氣不足出言懶怯先重後輕內傷則手心熱而手背不熱右手脈來空大無力左



手脈來或微或澹此內傷不足也當用補中益氣湯治之若內傷與外感兼病內證多則是內傷重而外感輕當補養爲先解表爲次外證多則是外感重而內傷輕當發表爲先補養爲次

勞力傷寒第二十二

勞力內傷血氣又兼外感寒邪頭疼身熱惡寒微渴澀然汗出身體痛脚腿酸疼無力沉倦左手脈緊盛右手脈空大無力治以溫補兼發散寒邪調營養氣



湯即東垣補中益氣湯加減有下證者宜緩治之
柴胡湯

夾食傷寒第二十三

內傷食鬱結又兼外感寒邪頭疼身熱惡寒拘急惡心
痞滿或嘔吐或腹痛或泄瀉脈左右俱緊盛有力治
以解表為先未發熱消食為次霍香正氣散已發熱芎蘇散消
食為次大柴胡湯

夾痰傷寒第二十四



內傷痰鬱又兼外感寒邪手熱惡寒隱隱頭痛喘咳
煩悶胸脇體痛左手脈緊盛右手關脈洪滑或寸脈
沉伏治以痰藥兼發散寒邪金沸草湯小半夏湯後
以消痰兼降火柴胡半夏湯有憎寒壯熱頭痛昏沉
迷悶土氣喘急口出涎沫此內傷七情以致痰迷心
竅神不守舍舍空則痰生名挾痰如見鬼狀與痰證
同法治加味導痰湯臨服入薑汁竹瀝

夾氣傷寒第二十五



傷寒雜論卷之六
內傷氣鬱。又兼外感寒邪。頭痛身熱。惡寒身疼。脇痛。
脹滿。氣鬱不舒。左手脈緊盛。右手脈沉。治以氣藥兼
發散寒邪。

夾血傷寒第二十六

內傷血鬱。又兼外感寒邪。頭疼身熱。惡寒煩渴。胸脇
小腹痛。左手脈緊瀯。右手脈沉數。治以解表爲先。桂
枝湯。下瘀血爲次。輕則犀角地黃湯。重則桃仁承氣
湯。有刑頭痛惡寒。止身熱煩渴。小便利。次便黑。口語



無倫此內傳心脾二經使人昏迷沉重名挾血如鬼
祟狀當歸活血湯

內傷似外感始為熱中病第二十七

氣高而喘身熱而煩短氣上逆鼻息不調怠惰嗜臥
四肢困倦無氣以言無力以動或大熱悶亂心煩或
渴久病或不渴

病久邪深入絡故不渴有濕亦不渴如渴者是心

火炎上剋肺金故也



或表虛惡風寒慎不可與寒涼藥惟以補中益氣湯

溫之以補元氣而瀉火邪東垣曰火與元氣不兩立

脾胃氣虛則下流於腎陰火得以乘其土位故膠證

得氣高而喘身熱而煩其脈大而頭痛或渴不止其

皮膚不任風寒而生寒熱蓋陰火上衝則氣高而喘

煩熱頭痛而渴脈洪脾胃之氣下流使穀氣不得升

浮是春生之令不行無陽以助其營衛則不任風寒

乃上寒下熱此皆脾胃不足所致與外感風寒似同



而實異。內傷不足之中，又當分別飲食傷爲有餘，勞倦傷爲不足。凡飲食不節，勞役過甚，則心脈變見於氣口。是心火刑肺，其肝木挾心火之勢，亦來薄肺經。曰侮所不勝，寡于畏者是也。故氣口急大而數時，一代而澁也。澁者，肺之木脈代者，元氣不相接，脾胃不足之脈也。洪大而數者，心脈刑肺也。急者，肝木挾心火而反尅肺金也。若不甚勞役，惟右關脾脈大而數，謂獨大於右脈五數中顯緩時，一代也。如飲食不節，寒

暑失所則先右關胃脈損弱甚則隱而不見惟內顯脾脈之大數微緩時一代也宿食不消則先右關脈沉滑也補中益氣湯

黃芪 人參 白朮 炙草 陳皮 當歸

柴胡 升麻 薑 棗

東垣曰脾胃虛者因飲食勞倦心火亢甚而乘其土位其次肺金受邪須多用黃芪而人參甘棗之脾胃一虛肺氣先絕故用黃芪以益皮手而固



腠理不令自汗。損其元氣。上喘氣促。故以人參補

之。心火乘脾。用炙草甘溫。以瀉火熱。而補脾元。若

脾胃急痛。併大虛腹中急縮。宜多用之。中滿者。減

之。白朮苦甘溫。除胃中之熱。利腰臍間血。胃中清

氣在下。必加升麻柴胡以升之。引參芪甘草甘溫

之氣味上升。以補胃氣之散。而實其表。又緩帶脈

之縮急。氣亂於中。清濁相攻。用去白陳皮以理之。

又助陽氣上升。以散滯氣。脾胃氣虛為陰火傷其



生發之氣。管血大虧。血減則心無所養。致令心滿。營氣不榮。陰木熾甚。是血中使大。漸漸熱氣。血自減心。

而煩。病名曰挽。故加甘辛微溫之劑。以生陽氣。仲心主之病。則心無所養。致使心亂。挽者。心或中煩悶不安也。

景之法。血虛以人參補之。陽旺則能生陰血。更以陰虛或曰甘溫何能生血。

當歸和之。少加黃栢以救腎水。瀉陰中伏火。如煩

猶不止。少加生地補腎水。水旺則心火自降。如氣

浮心亂。以硃砂安神丸鎮固之。則愈。

內傷似外感。未傳寒中病第二十八

胃脘當心而痛。上支兩脇。咽膈不通。飲食不下。或作



涎及清涕唾多溺多或足下痛不能踐地骨乏無力
喜唾兩鞞丸冷腹隱隱而痛腰脊背皮皆痛其脈盛
大而濇名曰寒中病東垣曰脾胃不足腎水反來侮
土所勝者妄行也作涎及清涕唾多溺多而惡寒是
也土火之復及任脈為邪則足不任身足下痛不能
踐地骨乏無力兩鞞丸冷腹中隱隱而痛妄聞妄見
腰脊背皮皆痛用乾薑附子烏頭蒼朮白朮茯苓猪
苓澤瀉治之



內傷似外感陽明中熱病第二十九

天氣大熱時勞役得病其病肌體壯熱踈熱悶

熱渴飲水漿與陽明傷寒白虎湯證相似口鼻

促上喘此乃脾胃大虛脈或微弱若白虎證其脈洪

大有力與內傷中熱不同用清暑益氣湯經曰陽氣

者衛外而為固也熱則氣泄今暑邪干衛故身熱自

汗以黃芪甘溫補衛為君人參橘皮當歸甘草甘微

溫補中益氣為臣蒼白朮澤瀉滲利而除濕升麻葛



根甘苦平。解肌熱。又以風勝濕也。濕勝則食不消。而
作痞滿。故用神麴甘辛。青皮辛濕。消食順氣。腎惡燥。
急食辛以潤之。故以黃栢苦辛寒。偕甘味瀉熱補虛。
以滋化源。以人參五味麥冬甘酸微寒。救天暑之傷。
辛金也。原為佐

黃芪 人參 白朮 蒼朮 神麴 青皮

陳皮 甘草 麥冬 五味 當歸 黃栢

澤瀉 升麻 葛根 薑 棗

內傷似外感濕熱病第三十

長夏濕熱火勝蒸蒸而熾人感之四肢困倦精神短
少懶於動作胸滿氣促肢節煩痛或氣高而喘身熱
而煩心下膨痞小便黃赤而數大便溏而頻或利出
黃而糜如藥或如白泔色或渴或不渴不思飲食自汗體
重或汗少血先病而氣不病也其脈洪緩若濕氣相
搏脈必加遲病雖互換少差其天暑濕冷則一也宜
以清燥之劑治之清暑益氣湯

按此節疑有借吳

內傷似傷寒病第三十一

凡似傷寒。煩躁不絕聲。汗後復熱。脈細數。五七日不

解。補中益氣湯倍加人參。用竹葉同煎。甚者加麥冬。

五味知母。似傷寒。至五七日。汗後煩躁。喫水者。補中

益氣加附子。似傷寒。三戰後。勞乏煩躁。昏倦。四君子

加當歸黃芪知母麥冬。五味。舌有黑燥。大便滑泄。食

在大腸。煩躁夜不安。宜防風當歸引子。內傷病後燥

渴不解者。有餘熱在肺。參苓甘草少加薑汁冷服。虛



者人參湯又能治胸痺短氣

瘡瘍發熱傷寒第三十二

經曰諸脈浮數當發熱而洒淅惡寒若有痛處飲食
如常蓄積有膿也又曰脈數不解則生惡瘡也凡病
人寒熱交作不可便以傷寒治之須視病人頭面脊
背有無瘡頭若有小紅瘡須當辨之

痧病傷寒第三十三

痧病者嶺南烟瘴之地多有之乃溪毒砂蟲水弩射



解云沙煩即能似其病

工蠟短狐蝦之類俱能含砂射人被其毒者憎寒壯
熱百體分解似傷寒初發狀彼土人以手捫痛處用
角筒入肉以口吸出其砂外用大蒜煨搗膏封貼瘡
口而愈彼地有鷓鴣鷓鴣等鳥專食以上諸蟲以此
鳥毛糞燒灰服之及籠此鳥於病者身畔吸之其砂
聞氣自出而病愈也

勞損傷寒第三十四

凡內傷寒熱狀類傷寒但起於跌撲或踢打或閃肭



或努力爲異而凡內傷有瘀血作痛者脈必芤澹或
數其證發熱自汗小便利大便黑心胸脇下小腹滿
痛按之手不可近此內有瘀血也當歸導滯湯復元
活血湯桃仁承氣湯量其元氣下其瘀血則愈經曰
肝爲血海凡有瘀血必蓄積於肝之部分兩脇小腹
皆肝部也凡損傷切不可飲冷水血見寒則凝但一
絲血入心卽死

痰證傷寒第三十五



凡中脘停痰胸滿氣衝憎寒吐熱惡風自汗狀如傷寒但頭不痛項不强爲異耳涎多者亦隱隱頭痛凡痰脈必弦滑痰在上部寸脈弦滑或沉伏痰在中部右關滑大痰在下部尺脈洪滑有痰氣內鬱右脈必沉滑有痰飲內着右脈必沉弦若關脈左右滑大者膈上有伏痰也若右關洪滑或右脈沉伏而左手緊盛者夾痰傷寒也凡痰病之源有因熱而生痰者熱則薰蒸津液而生痰

有因痰而生熱者

痰則阻碍氣道而生熱也

有因風寒暑濕而得者有因驚而得者

驚則神出舍空空則生痰也

有因氣而得者有因食積而得者

食鬱有火氣上動而生痰也

有因酒食而得者

酒氣上升為火肺與胃脘皆受邪故鬱滯而生痰



有脾虛不能降火而生者。

脾氣虛津液不運而生痰。

有腎虛不能降火而生者。

腎水虛弱則心火上炎以致津液濁敗而為痰。

有血氣虧乏而痰滯中焦者熱痰則多煩熱風痰多

成癱瘓奇證寒痰多成骨痺濕痰多成倦怠軟弱驚

痰多成心痛癩證食積痰多成癖塊痞滿酒飲痰多

成脇疼臂痛凡痰新而輕者清白稀薄氣味亦淡久



而重者黃濁稠粘凝結欬亦難出漸成惡味甚至帶

血王節齋曰痰乃津液所化因風寒暑濕所感或老

情飲食所傷以致氣逆液濁變為痰飲或吐咯

或凝滯胸膈或留腸胃或流經絡四肢隨氣升降無

處不到其為病也或喘或咳或惡心嘔吐或痞膈壅

塞關格異病或溏泄或眩暈或嗜雜或怔忡驚悸顛

狂或寒熱或痛腫或牽引或走串或目睛微定或鼻

如烟煤或昔肥今瘦或胸中漉漉有聲或背心常如



一點冰冷或四肢麻痺不仁皆痰之所致也痰有新久輕重之殊治法痰涎生于脾胃宜實脾燥濕又隨氣而升宜順氣爲先分導次之又氣升隨火順氣在於降火熱痰則清之風痰則散之寒痰則溫之濕痰則燥之鬱痰則開之頑痰則軟之食積痰則消之在上者則吐之在中者則下之又中氣虛者宜固中氣以運痰若攻之太重則胃氣虛而痰愈甚矣凡頭目眩暈卒時暈倒者此風痰眩暈也名曰痰暈二陳加

川芎天麻膽星之類去甘草若胸膈悶痛咯吐不出

者此熱痰稠結也名曰痰結二陳加芩連梔子貝母

瓜蒌桑皮杏仁枳殼桔梗蘇子之類去半夏若

疼痛或腫而痛此濕痰流注也名曰痰塊二陳加羌

活白芷蒼朮白芥子南星黃芩甚加海石朴硝之類

若昏迷卒倒厥冷脈沉細者此寒痰壅塞也名曰痰

厥二陳加薑桂熟附南星木香蘇子枳實若咳嗽氣

悶煩躁不寧者此痰鬱胸膈也名曰痰燥二陳合溫



膽加砂仁之類。若驚氣怔忡、癲狂亂語者，此痰剋心包也。名曰痰結。二陳加梔子、芩連、瓜蒌、貝母、枳實、桔梗、前胡、蘇子之類。用薑汁調辰砂溫服。若咽喉結核，咯不出、燕不下者，此痰氣鬱寒也。名梅核證。二陳加薑、桂、砂仁、枳實、厚朴、香附子之類。若寒熱咳喘發作，有時者，此痰火上升也。名曰痰火。二陳加黃柏、知母、麥冬、五味、桑皮、黃芩及四物之類。若痰成塊，吐咯不出，兼氣鬱者，難治。痰熱氣實難治。凡治痰，二陳湯爲



傷寒補子不...
主隨證加減

半夏 陳皮 茯苓 甘草

按此湯半夏燥濕橘紅利氣茯苓降氣滲濕甘草

和中補脾脾健則不生濕燥濕滲濕則不生痰利

氣降氣則痰消解真可謂治痰之聖藥也寒痰加

附子薑桂濕痰加蒼朮白朮熱痰加芩連梔子風

痰加南星皂角食痰加麩麥山查燥痰加瓜蒌鬱

痰加香附枳殼老痰加海石芒硝氣虛加四君血



中國醫藥大學圖書館版權所有

虛加四物脾虛加六君腎虛加六味氣滯加陳皮

滯加韭汁痰熱瘀血成窠囊者加蒼木喘

杏仁桑皮滿悶加枳殼桔梗外熱加柴胡內熱加

芩連頭項痛加川芎威靈仙脚腫加牛膝木瓜痰

在腸胃可下而愈痰在經絡非吐不可痰在脇下

非白芥子不能達痰在皮裏膜外非竹瀝薑汁不

能導凡痰發出者宜吐不宜下厭厭不測變生他

病矣古人治痰通用二陳實脾燥濕若痰因火上

凡痰為胃滯

凡痰為胃滯

凡痰為胃滯

凡痰為胃滯



肺氣不清咳嗽時作而成老痰鬱痰吐咯難出者
宜節菴化痰丸

天冬 萸仁 黃芩 海粉 香附 桔梗

連翹 大青 朴硝 廣皮

吐痰用瓜蒂散

甜瓜蒂 赤小豆

食積傷寒第三十六

凡中脘停食頭痛身熱惡寒但身不痛為異耳凡食



積之脈左手平和右手緊盛者若夾食傷寒則左右脈俱緊盛矣凡惡食噯氣作嘔酸惡心嘔吐噯氣短氣胸滿腹脹胃口痛按之亦痛此食積類傷寒也用香砂平胃散若發熱惡寒頭疼體痛惡心拘急中脘痞滿或痛或嘔吐或瀉利此夾食傷寒也藿香正氣散若已經發熱者芎蘇散若發熱體痛者冲和湯先解其表後消其食大抵治夾食傷寒必須解表散邪後方可攻食否則胃口氣先虛表邪乘虛而入矣凡食在胃口



未入胃者宜吐。不吐則宜消導。待食下入於胃。變化糟粕。表證已解。乃可下其食也。凡脾胃氣虛不能運化水穀。水穀停積則爲濕痰。曰補氣曰消食曰燥濕。三者不可偏廢也。病之新久要分。而用藥寒溫不可不察。凡脾胃虛弱不能運化水穀。初時則爲寒濕。用辛香燥濕之劑以散之。若停積日久。濕能生熱。熱化爲火。火能傷血。則爲燥熱。用辛甘苦寒之劑以潤之。飲食又宜分治。經曰因而大飲則氣逆。因而飽食卽



經脈橫解則腸癖爲痔。飲者無形之氣傷之則宜發汗。利小便。食者有形之物傷之則宜損穀。其次莫若消導。重則或吐或下。凡飲酒所傷作濕熱治之。或發汗。或利小便。使上下分消其濕是也。然小便赤澀者不可利。小便清利者不可利。只宜發汗。若輕利小便。不惟腎水重涸。且酒毒亦不能去。致土下不通而溺澀。則爲發黃。入血室則爲蓄血也。當服葛花解醒湯。

葛花

白蔻

豬苓

白朮

茯苓

澤瀉



陳皮 青皮 人參 沙仁 神麴 木香

生薑

虛煩傷寒第三十七

經曰陰虛生內熱夫虛煩即虛熱也則胸中鬱鬱不
安故曰虛煩凡諸虛煩熱狀類傷寒但頭不疼身不
病痛不惡寒為異耳凡脈數主熱數而有力為實熱數
而無力為虛熱故虛煩之脈雖大按之必無力並人
脈浮洋大左寸關脈或濡或弱或一微或瀉皆虛脈也又



平人脈大者必虛勞也。凡飲食不節，喜怒失調，房事

勞役，皆損其真氣。氣衰則火旺，火旺則乘其脾。四

肢困倦而熱，懶言沉卧，少氣以動，動則氣促而喘。或

表虛自汗，惡風，當以甘溫之劑補其中氣，溫其真陰。

其熱自愈。切不可苦寒之劑，重瀉脾土也。經曰：勞

者溫之，損者益之。補中益氣湯、黃芪、甘草、甘溫能除

虛熱，相火發熱及大病後皆宜此湯。輕劑如竹葉石

膏湯，十味溫膽湯皆病後虛煩之聖藥。要在選而用。



之凡虛煩不可攻熱熱去則寒起矣戒之戒之

脚氣傷寒第三十八 原闕今從全生集補

脚氣之作必發寒熱嘔逆但起于脚膝痠軟為異耳

要須察其足腫掀赤腫者濕熱也黃白腫者寒濕也

脈浮主風小續命湯加羌活木通木瓜龍膽草牛膝

沉遲或緊主寒桂枝湯加羌防木瓜木通牛膝蒼朮

脈數有力主熱小柴胡湯加黃栢知母牛膝羌防木

通脈沉濡主濕五苓散加蒼朮木通羌防牛膝木瓜



然傷寒則無足痛之患以別之因有發熱惡寒故狀類傷寒也

大頭傷寒第三十九

凡先發于鼻額紅腫以致兩目盛腫而不開并額上面部皆赤者此屬陽明也或壯熱氣喘口乾舌燥咽喉腫痛不利脈來數大者普濟消毒飲主之

柴胡 升麻 牛蒡 連翹 桔梗 白芷

甘草 元參 黃連 黃芩 馬勃 僵蠶



板藍根

內熱實甚者而投通聖消毒飲若發於耳之上下前後并

額角紅腫此屬少陽也胸或肌熱或日晡潮熱往來寒

熱口苦咽乾目痛脇下滿小柴胡加天花粉羌活荆

芥連翹黃連黃芩主之若發於頭上并腦後項下及

日後赤腫此屬太陽也者荆芥敗毒散主之若三陽俱

受邪併於頭面耳目鼻者用普濟消毒飲外用清涼

救苦散凡頭面清虛之分治法不宜太峻恐邪氣不



伏而反攻內傷人也宜先緩後急邪自伏也先緩者
宜退熱消毒虛人兼補元氣胃虛食少兼助胃氣候
大便熱結以大黃下之拔其毒根凡時行頭面亦腫
咽噤堵塞水藥不受此臟腑素有積熱發為腫毒疔
瘡一切惡瘡紅腫並宜解之漏蘆湯凡頭風頭面疔
瘡腫痛憎寒壯熱四肢拘急狀似傷寒清震湯夫雷
屬震卦震象仰盂故用青荷葉中通外直以類象形
治之效也咽喉腫痛用綠雲散



青黛 滑石 冰片 芒硝 元明粉 寒水石

山豆根 車前 共研細吹喉中 諸腫處各破出血

為妙

黃耳傷寒第四十

凡耳中策策痛者皆風入腎經也不治流入腎卒然

變惡寒發熱脊強背直如瘞狀此非正傷寒乃類傷

寒也名黃耳傷寒小續命湯荆防敗毒散又一草方

散加細辛白芷蔓荆子蟬退黃芩芍藥紫金皮三方選用

藤天竹 紫金皮 雞屎子 馬蹄金 苦參



兩面龜 詐死子 酒和服

又方用苦參磨水滴入耳中。或用虎耳草或用猴薑根汁。或用薄荷土木香汁滴入耳中尤佳。

赤膈傷寒第四十一

凡胸膈赤腫疼痛發熱惡寒頭痛疼身痛身此非正傷寒

乃類傷寒也。名赤膈傷寒。荆防敗毒加赤芍芍連瓜

蒺仁紫金皮元參升麻。若有表復有裏證防風通聖

加瓜蒺仁黃連紫金皮。若表證已退大便燥實涼膈



解毒加瓜蒌仁紫金皮枳殼桔梗赤芍又宜於腫處

後腫處鍼刺出血若半表半裏柴胡桔梗加蒺藜仁紫金皮赤

芍紫金皮綱目云即山甘

結陽傷寒第四十二

結陽者肢腫也諸陽脈不行陰府留結或熱為四肢

腫痛也萬全木通散五苓散入正散

結陰傷寒第四十三

結陰者便血也陰氣內結不能通行血氣無宗滲入



腸中則下血也。四物阿膠湯。三黃補血湯。桂附六合湯。

血風證第四十四

婦人血風證。因崩漏大脫血。或前後俱去。因而涸燥。其熱未除。循衣摸牀。撮空閉目。不省人事。揚手擲足。搖動不安。錯語失神。脈弦浮而虛。內有燥熱之極。氣粗鼻乾。上下通燥。此爲難治。生地黃連湯治之。男子去血過多。亦有此病。此湯妙不可言也。



中醫藥大學圖書館版

熱入血室第四十五

婦人中風發熱惡寒經水適來得之七八日熱除而
脈遲身涼胸脇下滿如結胸狀譫語者此爲熱入血
室也當刺期門隨其實而瀉之婦人中風七八日續
得寒熱發作有時經水適斷此爲熱入血室其血必
結故使如瘧狀發作有時小柴胡湯主之婦人傷寒
發熱經水適來晝則明了暮則譫語如見鬼狀此爲
熱入血室無犯胃氣及上中二焦凡陽盛譫語如

鬼狀宜下。此熱入血室不可下。恐犯胃氣不可發汗。
恐犯上焦衛氣不可刺期門。恐犯中焦。但守之待經。
行盡熱退血去而自愈矣。陽明病下血譫語者。此爲
熱入血室。但頭汗出者。刺期門穴。隨其實而瀉之。澀
然汗出則愈。啟元子云。衛爲血海。諸經朝會。男子則
運而行之。女子則傍而止之。皆謂之血室。凡熱入血
室。女子並用小柴胡湯。加生地丹皮紅花歸尾枳殼。
香附主之。男子輕用犀角地黃湯。重用桃仁承氣湯。

主之若行湯遲則熱入胃令津液上焦中焦不行而成血結胸須刺期門可也有下證與桃仁承氣相似者四順飲子 當歸 大黃 赤芍 甘草

妊娠傷寒第四十六

經曰婦人重身毒之奈何岐伯曰有故無殞亦無殞也。大積大聚其可犯也。衰其大半而止。過者死。凡妊婦傷寒。大要安胎爲主。兼用傷寒藥爲當。不可輕用發表攻裏之藥。以傷胎氣。宜汗者。沖和加四物。蘇葉



葱頭柴胡主之宜下者酒製大黃主之宜和解者小
柴胡去半夏加四物主之宜溫者炒製薑桂必加黃
連甘草兼用沉香隨之外用護胎法

伏龍肝 井底泥 青黛 各等分調塗於臍上

二寸許如乾再塗以保胎孕也 妊婦忌藥 蚘班水

蛭及蝨蟲烏頭附子配天雄野葛水銀并巴豆牛

膝薏苡與蜈蚣三稜代赭芫花射大戟蛇脫黃雌

雄牙硝芒硝桂丹皮槐花牽牛皂角同南星半夏

與通草瞿麥乾薑桃仁通礪礪乾漆蟹甲爪地膽

茅根胡粉同

婦人傷寒發熱四肢拘急口燥舌乾經脈凝滯不得

往來者桂枝紅花湯

桂芍紅花甘草

產後傷寒第四十七

產後始生氣血俱虛外失于衛護內無主持最宜調
養故曰胎前宜養血安胎產後宜大補氣血雖有雜
證以末治之若產後患傷寒妄用汗吐下之法必變



鬱冒昏迷肉瞶筋惕四肢厥冷或大便閉結不通或
等語下利不止者用八物湯加減治之茯苓乾薑乃爲主
藥不可少也凡產婦發熱脈虛大無力內無痛者去
血過多或產時用力或早起勞動乃血虛發熱耳用
四物湯赤芍加苓朮參去芍藥者以酸伐生氣也加
參朮苓者以淡味滲泄其熱也如大熱不止加煨乾
薑神效蓋乾薑辛熱能引血藥入血分以補血引氣
藥入氣分以補氣有陰長陽生之妙又產婦昏沉不

醒者亦用四物加參朮苓乾薑治之凡產婦發熱惡寒脇肋脹滿大小腹有塊作痛惡路不盡乃瘀血發熱耳四物湯加紅花桃仁玄胡靈脂丹皮香附青皮

乾薑官桂酒水各一種黑豆一撮後磨木香入童便

薑汁溫服取下瘀血為效又產婦瘀血上衝昏暈不

醒者亦用四物加紅花桃仁靈脂丹皮薑桂治之凡

產婦惡寒發熱發氣作酸惡聞食臭胸膈飽悶右關

脈緊盛者乃停食發熱耳用治中湯加當歸川連神



麴山查砂仁治之。凡產後發熱惡寒，乳間脹硬疼痛者，乃蒸乳發熱耳。但令產婦自揉其乳汁下竅，通執自除矣。凡胎產數證俱有發熱惡寒頭痛，實非傷寒也。若誤治之，殺人甚速。故產後雖有寒熱疼痛及口眼歪斜、手足搐搦者，乃血虛所致，不可作風寒病治之。若果產後不謹，虛中入風者，用四物湯加防風、荆芥、白芷、僵蠶、人參、乾薑、香附、烏梅主之。又有產後感冒風寒，發熱惡寒，頭疼體痛，脈浮緊，表證宜汗之。四

物加羌活蒼朮白朮乾薑蘇葉山梔少佐葱頭若自
汗去蒼朮蘇葉加白朮若熱邪傳裏燥渴大便不通
脈沉實者輕則蜜導重則四物加柴胡炒黃芩熟大
黃微下之就用四物加乾薑少許大用參朮以溫補
其氣血若邪傳至半表半裏寒熱嘔而口苦脈弦數
者四物合小柴胡湯主之

溫病傷寒第四十八

溫病者冬月伏寒之所變也冬月伏陽在內感寒不



卽病伏藏於肌膚之間。至春時溫氣將發。又受暴寒。故春變爲溫病。旣變之後。不得復言爲寒矣。又傷寒汗下後。過經不解。亦名溫病。並不可發汗。蓋過經而發。不在表也。已經汗下。亦不在表也。經曰。不惡寒而渴者。蓋言溫病也。不惡寒。則病非外來。渴。則明其熱自內達外。因無表證明矣。溫病之脈行在諸經。不知何經之動。隨其經之所在而取之。如太陽病。頭痛身熱。汗後。過經不愈。診得尺寸俱浮者。太陽病溫也。如

身熱目疼汗下後過經不愈診得尺寸俱弦長者陽

明病溫也如脇腹痛汗下後過經不愈診得尺寸俱

弦者少陽病溫也如腹滿噎乾過經不愈診得尺寸俱

俱沉者太陰病溫也如舌乾口燥過經不愈診得尺寸

俱微沉者少陰病溫也如煩滿囊縮過經不愈診得

得尺寸俱微緩者厥陰病溫也要在隨其經而取之

如發斑乃溫毒也節菴曰太陽溫病者羌活冲和湯

陽明病溫者解肌湯合葛蘇散加蒼朮少陽病溫者

加紫葛葛白藤葉自汗者去蒼朮加桂枝芍藥若汗下兼行加大黃全底抽去新法



小柴胡合芎蘇散兼有太陽者。人參羌活散兼有陽
明者。羌活散加葛根芍藥溫病傳進三陰治法與傷
寒同。惟發表不與傷寒同。蓋因春時溫氣而發。非寒
初傷於表也。故宜辛涼之劑解之。凡溫病發於三陽
者多。發於三陰者少。若發於陰必有所因也。或因飲
食內傷而得之。或因慾事先傷腎經而得之。治例與
傷寒同。凡壯熱脈浮大有力可治。細小者難治。以溫
病大熱滾滾脈小足冷者多死也。三月得此病者為

晚發治與傷寒溫病同

熱病傷寒第四十九

熱病者冬月伏寒之所變也冬月伏陽在內感寒
卽病伏藏於肌膚之間至夏時暑熱將發又受暴寒
故夏變爲熱病旣變之後不得復言爲寒矣凡熱病
所起所因所感所發證脈治法並與溫病同凡熱病
一二日瀉利腹滿煩熱甚者死三四日神昏譫語熱
甚脈小者死五六日舌本焦黑燥渴者死七八日吐

衄下血燥熱脈大者死八九日發瘧兼昏沉者死凡
熱病脈沉伏細小結促皆難治熱不得汗脈暴急者
亦難治也已得汗而熱反甚脈暴急者死也

秋涼傷寒第五十

白露至秋分行坐臥露水間寒客皮膚名秋涼傷寒
其脈濇濇者中霧露故也

冬溫傷寒第五十一

冬有非節之暖名曰冬溫冬溫之毒與傷寒大異冬



溫復有先後更相重脊亦有輕重萎蕤湯大渴瓜蒌
湯咽痛甘桔湯斑疹化斑湯卽白虎湯溫疫通用散
毒散傷寒無汗脈浮緊冬溫無汗脈不浮也

傷寒補天石卷上終

